



Setjhaba sa CUT

Ka ha le hlokometse, Moporesidente wa naha o hlwaile kokwanahloko ya *corona* (e tsejwang hape e le COVID-19) e le koduwa e aparetseng naha ya rona.

Moifo wa Diketsahalo tsa Tsohanyetso wa CUT o tobaneng le ho lwantsha kokwanahloko ya *corona*, o akgang bankakarolo bohle le dirutehi tsa yunivesithi o ile wa ba le kopano hoseng hona. Ka mora kopano ena, Batsamaisi ba dumellane ho kenya tshebetsong metjha e latelang hanghang:

- ❖ Baithuti ba tla fumana dithuto tsohle tsa Labobedi, ka la 17 Hlakubele 2020, ka marangrang a thekenoloji khempaseng ya Bloemfotein mme dithuto tsa diphaposing kapa dilaborathoring le diteko di tla kginwa.
- ❖ Ho kgina dithuto khempaseng ya Bloemfontein ho tloha ka Laborabo (hosane). Sena se tla fa yunivesithi monyetla wa ho thusana le Letona la Thuto, Lefapha la Thuto e Phahameng le Thupello (DHET) mmoho le Mokgatlo wa Diyunivesithi tsohle tsa Setjhaba tsa Aforika Borwa ho rerisana ka leano la ho phethela dithuto tsa selemo sa 2020.
- ❖ Dithlophiso tsena di tla ama tshebetso ya yunivesithi mme moo ho kgonahalang, basebetsi ba seng ditshebeletsong tse hlokoloisi, ba ka etsa kopo ya ho sebelletsa malapeng ho tloha ka la 18 ho ya ho la 20 Hlakubele 2020. Baokamedi ba mafapha a fapaneng ba tla laola dithlophiso tsena. Le ha ho le jwalo, ka la 23 Hlakubele 2020, basebetsi ba tla kenya dikopo tse tlwaelehing tsa matsatsi a phomolo.
- ❖ Ho thibela basebetsi le baithuti ho etela dinaha tsa matjhaba le ho thibela baeti ba tswang dinaheng tsa matjhaba ho tloha ka la 16 Hlakubele 2020 ho fihla ka Phujane 2020.
- ❖ Ho latela boipiletso ba Moporesidente, ho tloha ka la 16 Mmesa 2020 ho fihla ka Phujane 2020, re tla kgina diboka le diwekeshopo tsohle tsa yunivesithi tseo re neng re memme baeti ba tswang dinaheng tsa matjhaba.
- ❖ Re tla tjetjhisa mekete ya dikapeso e neng e reretswe ho tloha ka la 17 ho ya ka la 20 Hlakubele 2020 ha re sa ntse re shebisana ka nako e ntjha.
- ❖ Ho matlafatsa metjha ya rona e matla ya bohlweki dibakeng tsohle tsa khempase ya rona jwalo ka dihoseteleng tsa baithuti, diphaposing tsa thupello, dilaborathoring, diofising le matlwaneng.
- ❖ Ditlilini tsa dikhempase tsa rona ka bobedi di malalaalaotswe ho kenya tshebetsong metjha e behilweng ke Lefapha la Naha la Bophelo mmoho le Lefapha la Porovense la Bophelo. Baithuti le basebetsi ba anngweng le ba tshwaeditsweng ke kokwanahloko ya *corona* ba lokela ho letsetsa nomoro ena **0800029999** ka ponyo ya leihlo.

- ❖ Ho isa baithuti le basebetsi ba ileng ba etela dinaha tse anngweng haholo ke kokwanahloko ya *corona* ho tloha ka la 14 Hlakola 2020 kwaranthining (sebakeng sa polokeho) pakanakong ya matsatsi a 14, ebang ba bontsha a mang a matshwao a kokwanahloko ena, ba tla tlameha ho etsa diteko. Mothathing ona, dinaha tse wetsweng ke koduwa ena haholo ke Italy, Iran, South Korea, Spain, Germany, the United States of America (USA), the United Kingdom (UK) le China.
- ❖ Re se re qadile ho buisana le baithuti ba CUT ba ntseng ba ntshetsapele dithuto tsa bona diyuniveisithing tsa setswalle tse mose mme re tla kenya tshebetsong metjha e meng moo ho hlokehang.
- ❖ Re tla matlafatsa letsholo la rona la ho lwantsha ho ata ha kokwanahloko ena ho nnetefatsa hore setjhaba sa rona sa CUT se itekanetse.

Hobane bophelo le boitekanelo ba basebetsi le baithuti ba rona bo bohlokwa haholo, re dumela hore metjha e kang ho fokotsa ho kopana le batho, e tla re thusa ho laola ho nama ha kokwanahloko ena. Ho feta moo, re ntse re sebedisana le DHET, Mafapha a Bophelo boemong ba naha le porovense, ditheo tsa naha le tsa selehae tse fanang ka dithuso tsa tshohanyetso le Institjhute ya Naha ya Mafu a Tshwaetsang (NICD) ho nnetefatsa hore yunivesithi ya rona e bolokehile.

Ntlha e nngwe ya bohlokwa ke hore, o itlhomele mme ha o etela sebaka se thefutsweng ke kokwanahloko ena, o latele dikeletso tsohle tse o di filweng ke ngaka.

Re le setjhaba sa CUT, re itshupile ho ba marematlou le nakong e fetileng. Ha re tshwarisaneng le mmuso wa rona, ditheo tse ikemetseng le lekgotla la CUT ho matlafatsta boitekanelo le polokeho ya rona. Ke a tshepa hore le tla ikobela metjha ena le hore jwalo ka moifo wa CUT re tla hlola pharela ena.

E se e ka Ramasedi a ka le hlohonolofatsa!

Prof. Henk de Jager

Vice-Chancellor and Principal (Hlooho)
(16 Hlakubele 2020)